



Nalunaarummi sumiiffinni pineqartuni tamanut orninneqarsinnaasuni Covid-19-imut akiuussutissamik kapitissimanissamut uppernarsaatinik nakkutilliinissamut malittarisassat

Inuit inatsisitigullu pisussaataasut pisinnaatitaasullu, tassunga ilanngullugit pisortani oqartussat suliffeqarfiillu, tamat iserfigisinnaasaannik ininik pigisallit Nuummi, Upernavimmi nunaqarfinnilu ataani taaneqartuni malittarisassiuunneqarput. Malittarisassiat siunnersuutaapput suliffeqarfiit pisinianut aamma isersimasunut ininut aamma ilaatigut nunaminertanut taakkununga attuumassuteqartunut iserniarnerminni piumasaqaatinik naammassinnissimanersut sunniuteqarluartumik misissuinissaanut. Malittarisassanittaaq siunertarineqarpoq inuit inatsisitigullu pisinnaatitaasut nalunaarummi aalajangersakkanik qanoq naammassinninnissamut isumaliutersuutaannut tapiinissaq.

Malittarisassiat [Nuummi il.il. killilersuinerit pillugit Namminersorlutik Oqartussat nalunaarutaat nr. 65, 20. november 2021-meersoq](#), Naalakkersuisut nittartakkatigut saqqummiussaataq malillugu sananeqarput.

Illoqarfiit nunaqarfiillu sorliit ilaatinneqarpat?

Illoqarfiit tulliuttut:

- 1) Nuuk.
- 2) Upernavik.

Nunaqarfiit tulliuttut:

- 1) Tasiusaq.
- 2) Upernavik Kujalleq.
- 3) Nutaarmiut.
- 4) Nuussuaq.
- 5) Innaarsuit.
- 6) Naajaat.
- 7) Aappilattoq.
- 8) Kangersuatsiaq.
- 9) Kullorsuaq.

Init sorliit ilaatinneqarpat?

Sumiiffiit inillu tamanit orninneqarsinnaasut tassaapput kikkulluunniit ornittagaat isersimaffigisartagaallu, inuit nalinginnaasumik sivikitsunnguamik isersimaffigisanngisaat assersuutuigalugu (tamakkinngikkaluarlugit):

- 1) Neriniartarfiit, kaffisorniartarfiit, imerniartarfiit, qitittarfiit assigisaallu kiisalu taakkua silataat.
- 2) Kulturikkut illuutit – soorlu kulturip illorsua, filmertarfiit, katersugaasiviit takutsitsiviillu.
- 3) Innuttaasut illui assigisaallu.
- 4) Atuakkanik atorniartarfiit.
- 5) Illup iluani silamilu timersortarfiit – taakkununga ilaatigut ilanngullugit timersortarfiit, haalit, naluttarfiit, timigissartarfiit kiisalu arsaattarfiit.
- 6) Nujaleriffiit, tagiartuisarfiit, pinnersartittarfiit assigisaallu.



Inuit sorliit ilaatinneqanngillat?

- 1) Inuit tamanit orninneqarsinnaanngitsut
- 2) Angerlarsimaffiit
- 3) Inuit taakkunungalut attuumassutillit nunaminertat, ulluinnarni nioqqutissanik tuniniaanermut pingaarnertut atorneqartartut.
- 4) Allakkeriviit
- 5) Mittarfiit
- 6) Pisortatut oqartussani pilersuiffiusunilu inuit sullissiviit, saaffiginnittarfiit il.il.
- 7) Pisortat angallassisutaannut tunngatillugit utaqqisarfiit, ass. bussit unittarfii.
- 8) Kalaallit Nunaanni Peqqinnissaqarfik imaluunniit klinikini, namminersortuni imaluunniit suliffeqarfinni peqqinnissakkut nammineq ingerlatsivinni suliffeqarfiusuniluunniit.

Inuit sorliit ininut isersinnaappat?

Nalunaarut malillugu inuit uku ininut isersinnaatitaapput:

1. Inuit tamakkiisumik akiuussutissamik kapitissimasut tamatumingalu uppersaasinnaasut
2. Inuit tunillatseqqareernikuusut tamatumingalu uppersaasinnaasut
3. Inuit eqimattanut, Nunatta Nakorsaaneqarfiata Covid-19-imut akiuussuseringinnissamut innersuunneqarsimasunut ilaasut, tamatumingalu uppersaasinnaasut. Inuit taakku PCR-testimik 48 tiimit ataallugit pisoqaassusilimmik tunillatsissimanginnermik takutitsisumik takutitsissapput.
4. Inuit 2-t ataallugit ukiullit.
5. Sulisut, tamakkiisumik akiuussutissamik kapitissimasut, inimilu imaluunniit nunaminertami tassunga attuumassuteqartumi pineqartumi sulisussaasut.
6. Sulisut, tamakkiisumik akiuussutissamik kapitissimangitsut, inimilu imaluunniit nunaminertami tassunga attuumassuteqartumi pineqartumi sulisussaasut. Inuit taakku PCR-testimik 48 tiimit ataallugit pisoqaassusilimmik tunillatsissimanginnermik takutitsisumik takutitsissapput.

Suliffeqarfiit, ininut tamat iserfigisinnaasaannik atuisut, Covid-19-ip tunillaassuunnerata annikillisarneqarnissaanut qajassuarnissaq pisariaqartoq qulakkiissallugu pingaarutilimmik inissisimaqataapput.

Covid-19-ip siaruaannera pinaveersaartinniarlugu annikillisarlarlugulu inuit kiisalu nunaminertat taakkununga attuumassuteqartut ilaanni, tamat iserfigisinnaasaanni pisiniat isersimasullu uppersaammik atuuttumik takutitsisinnaassapput. Uppersaasut sulisunut imaluunniit inunnet sumiiffimmut attuumassuteqartunut takutinneqassaaq. Piumasaqaatigineqanngilaq sumiiffiup sulisunik suliasamik tamatumingala taamaallaat suliaqartussanik immikkut peqarnissaa.

Inuussutissarsiummik ingerlatsisut sulisullu, matuma ataani pisortani oqartussaasut suliffeqarfiillu, ininik atuisut, pisinianut isersimasunullu kapitissimanermut uppersaammik takujumanissamut pisinnaatitaapput, kiisalu qulakkiissallugu pisiniat isersimasullu, Covid-19-imut tamakkiisumik akiuussuserneqarnermut uppersaammik takutitsisinnaanngitsut imaluunniit qulaani piumasaqaatit sinnerisa arlaat minnerpaamik ataatsimik naammassinninngitsut, sumiiffimmut isinginnissaat.

[Uppersaammik piumasaqaateqarnermik qulakkeerinnineq](#)

Isilernermit nalinginnaasumik paasissutissat:

Innersuussutigaaqput tulluuttut nivinngarneqassasut:



- Inimut isilernermi ersarissumik paasissutissiineq, inuit tamakkiisumik akiuussusertissimanermut, siusinnerusukkut tunillatsissimanermut imaluunniit malittarisassanut ilanngunneqanngitsut kisimik isersinnaasut.
- Ersarissumik paasissutissiisutigineqassasoq, sulisut, politiit imaluunniit Peqqinnissaqarfiup qinnutigippagu pisiniat isersimasullu Covid-19-imut tamakkiisumik akiuussutissamik kapitissimanermut uppernarsaammik takutitsinnaanissaat.
- Ersarissumik paasissutissiineq pisiniat isersimasullu uppernarsaammik takutitsinnaanngippata anisitaasinnaasut.

Qulaani paasissutissat allassimasut pillugit plakati uani aaneqarsinnaavoq: corona.nun.gl

Sassaallertarfinni

Sassaallertarfittut taaneqartartut tassaapput sumiiffiit nerisassanik imigassanilluunniit sassaallerfiusartut, tassunga ilaapput neriniartarfiit, imerniartarfiit, qitittarfiit assigisaallu kiisalu taakkua silataat.

Sassaallertarfinni isaarissani nakkutillisoqartartuni nakkutillineq atuisut sassaallertarfimmut isinnginnerinni pissaaq. Sulisut nerrivinnut innersuussisarsimappata, atisanik tigooraasarsimappata assigisaanilluunniit suliaqartarpata sullissinerup aallartinnerani nakkutillineq pissaaq tassa imaappoq sassaalliisoqannginnerani nakkutillisoqassaaq. Sassaallertarfinni allani piaartumik kingusinnerpaamillu inniminniilnginnermi imaluunniit nerisassanik imigassanilluunniit sassaalliinginnermi nakkutillineq pissaaq.

Kulturikkut illuutini

Kulturikkut illuutit paasisariallit tassaapput sumiiffiit tusagassiorfinnik kulturimillu misigisaqarfiusinnaasut, tassunga ilaapput kulturikkut illorsuit, oqaluffiit, filmertarfiit, katersugaasiviit, saqqummersitsiviit assigisaallu.

Kulturit illuutaanni isaarissani nakkutillisoqartartuni nakkutillineq atuisut isinnginnerinni pissaaq. Sulisut isissutissanik tuniniaasuuppata, atisanik tigooraasarsimappata assigisaannilluunniit suliaqartarpata kulturikkut misigisassat aallartinnginnerini nakkutillineq pissaaq.

Nujaleriffiit, tagiartuisarfiit, pinnersartittarfiit assigisaallu

Nujaleriffittut, tagiartuisarfittut, pinnersartittarfittut assigisaattullu isigineqartut tassaapput atuisut kiffartuunneqarumallutik ornittagaat.

Salonini/klinikkiniluunniit sulisut akiliisarfiup nalaani inissisimasarput, atuisullu tassunga saaffiginnittarlutik. Taamaattoqartillugu sulisut atuisunik tikilluaqqusinerminnut atatillugu nakkutillinerat pissaaq, tassa imaappoq kiffartuussinerup aallartinnginnerani nakkutillineq pissaaq.

Sumiiffiit kikkunilluunniit iserfigineqarsinnaasut allat taakkunungalu attuumassutillit allat Innuttaasut illui, atuakkanik atorniartarfiit, illup iluani silamilu timersortarfiit, tassunga ilaatigut ilanngullugit timersortarfiit, haalit, naluttarfiit, timigissartarfiit kiisalu arsaattarfiit assigisaallu tamanit ornineqarsinnaasut nalunaarummilu pineqartut sinneri. Eqqaamallugu allakkiami uani allassimasut kisimik pineqanngillat.

Sumiiffinni isaarissani nakkutillisoqartartuni nakkutillineq atuisut inimut isinnginnerinni pissaaq. Sulisut isissutissanik tuniniaasuuppata, atisanik tigooraasarsimappata assigisaannilluunniit suliaqartarpata takkunnermut peqqutaasup aallartinnginnerani nakkutillineq pissaaq.



Sulisunik nakkutilliineq

Ilanngullugu sulisunik, PCR-testimik tunillatsissimannginnermik takutitsisumik 48 tiimit ataallugit pisoqaassuseqartumik naammaginatumik nakkutilliisoqassaaq, taakku tamakkiisumik akiuussutissamik kapitissimanngippata imaluunniit ilaatitsinnginnermut aalajangersakkat sinnerinut ilaappata.

Inuit tulliuuttut tamakkiisumik akiuussutissamik kapitissimanermut uppernarsaammik takutitsinissamut piumasagaammik takutitsinissamut ilaatinneqanngillat:

- Nunatta nakorsaaneqarfianit Covid-19-imut akiuussutissamik kapitinnissamut innersuunneqarsimanngitsut. Taakkua innersuunneqarsimannginnerminnut uppernarsaammik kiisalu PCR-testimik 48 tiimit ataallugit pisoqaassuseqartumik takutitsissapput.
- Marluk ataallugit ukiullit.

Suut akiuussutissamut kapitissimanermut uppernarsaatitut atorineqarsinnaappat

Inuit tulliuuttumik uppernarsaasiisinnaasut kisimik isersinnaapput:

- Coronapas ass. app-imi "MinSundhed" aamma "Coronapas" - anisinnegarnikoq imaluunniit digitalimik takussutissiaq (ilanngussaq takuuk)
- Nunatta Nakorsaaneqarfianit akiuussutissamik kapitissimanermut uppernarsaat (ilanngussaq takuuk)
- Nunatta Nakorsaaneqarfianit tunillatsissinnaannginnermut uppernarsaat atuuttoq (ilanngussaq takuuk)
- Tunillatsissimanermut uppernarsaat minnerpaamik ullunik 14-inik annerpaamillu sapaatip akunnerinik 12-inik pisoqaassusilik.
- Inuup Covid-19-imut akiuussutissamik kapitinninnissamut Nunatta Nakorsaaneqarfiata innersuussutaanut uppernarsaat tamatumalu saniatigut PCR-testi tunillatsissimannginnermik takutitsisoq 48 tiimit ataallugit pisoqaassusilik. Misissortissimanermut uppernarsaat Peqqik-mit sms-iuvoq (ilanngussaq takuuk).

Qulaani uppernarsaatit paasissutissallu pineqartut peqqissutsimut paasissutissaapput mianerisassat. Tassa imaappoq kialluunniit paasissutissat pineqartut paarinissaannut, nalunaarsornissaannut arlaatigulluunniit toqqornissaannut pisinnaatitaaffeqanngillat.

Ilitersuummut apeqqutit

Ilitersuut pillugu apeqqutissaqaruit pn@nanoq.gl saaffigineqarsinnaavoq

Nalunaarummut attuumassusilimmik apeqqutissaqaruit corona-hotline attavigissavat oqarasuaat 80 11 00 imaluunniit corona@nanoq.gl

Ilanngussat

Assersuutit:

- Coronapas pappialanngugaq
- Coronapas eletroniskeq
- Akiuussutissamik kapitissimanermut uppernarsaat aammalu tunillatsissinnaannginnermut uppernarsaat Nunatta Nakorsaaneqarfianit suliarineqarsimasut
- Tunillatsissimannginnermut uppernarsaat Peqqik-mit SMS